



Broj: 01/5-50-1-6-33/09
Sarajevo, 24.3.2009. godine

Z A P I S N I K
33. sjednice Komisije za saobraćaj i komunikacije,
održane 24.3. 2009. godine

Sjednica je održana 24.3.2009., s početkom u 14,10 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Husein Nanić, Selim Bešlagić, Sadik Bahtić i Savo Erić.

Opravdano je odsustvovao Mehmed Suljkanović.

Sjednici je prisustvovao Remzija Kadrić, poslanik u Predstavničkom domu. Iz Ministarstva komunikacija i prometa BiH prisustvovali su: Kojo Koprivica i Željko Knežević, pomoćnici ministra, iz Agencije za poštanski saobraćaj BiH: Delivoje Đerić, predsjedavajući Vijeća Agencije, Fikret Gaćanović i Nino Čorić, članovi Vijeća. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

U raspravi o dnevnom redu predsjedavajući je istakao je da je u pozivu za današnju sjednicu kao tačka dnevnog reda predviđeno i razmatranje Izvještaja o radu Agencije za poštanski saobraćaj BiH za 2008. godinu, ali pošto je Kolegij Predstavničkog doma odredio da Komisija treba razmatrati i finansijski izvještaj Agencije, predložio je da se ova tačka skinе s dnevnog reda, a da se na sljedećoj sjednici Komisije kao tačka dnevnog reda razmatra Izvještaj o radu i finansijski izvještaj Agencije za poštanski saobraćaj BiH za 2008. godinu.

Komisija je jednoglasno prihvatila ovaj prijedlog, te usvojila sljedeći

D N E V N I R E D

1. Usvajanje Zapisnika 32. sjednice Komisije;
2. Prijedlog zakona o poštama BiH, predlagač: Vijeće ministara BiH (druga komisijska faza);
3. Razmatranje dopisa Upravnog odbora Radio-televizije BiH u vezi s dugom prema Eutelsatu i obustavom emitiranja satelitskog programa BHT1;
4. Tekuća pitanja.

Ad. 1. Usvajanje Zapisnika 32. sjednice Komisije

Zapisnik 32. sjednice usvojen je jednoglasno, bez primjedbi.

Ad. 2. Prijedlog zakona o poštama BiH, predlagač: Vijeće ministara BiH
(druga komisijska faza)

Predsjedavajući je otvorio raspravu u kojoj su učestvovali svi članovi Komisije, te predstavnici Ministarstva komunikacija i prometa BiH Željko Knežević i Kojo Koprivica.

Nakon rasprave, Komisija je jednoglasno usvojila sljedeće zaključke:

1. S obzirom da je Komisija zaključila da je potrebno da Ministarstvo komunikacija i prometa BiH dostavi Komisiji pismeno izjašnjenje o uložnim amandmanima (37), kao i da je neophodno izvršiti dodatne konsultacije u vezi s pojedinim odredbama Prijedloga zakona, molimo da Predstavnički dom, u skladu s članom 111. stav (6) Poslovnika Predstavničkog doma, odobri produženje roka za dostavljanje izvještaja o Prijedlogu zakona o poštama BiH do 27.4.2009.
2. Traži se od Ministarstva komunikacija i prometa BiH da, najkasnije do 15.4.2009., dostavi Komisiji izjašnjenje o svim amandmanima uložnim na Prijedlog zakona o poštama BiH.

Ad. 2. Razmatranje dopisa Upravnog odbora Radio - televizije BiH u vezi s dugom prema Eutelsatu i obustavom emitiranja satelitskog programa BHT1

Predsjedavajući je otvorio raspravu u kojoj su učestvovali svi članovi Komisije, te predsjedavajući Upravnog odbora Radio-televizije BiH Nikola Deretić.

Nakon rasprave, Komisija je jednoglasno zaključila sljedeće:

1. Komisija je konstatala da je na 18. sjednici Komisije, održanoj 3. 7.2008., usvojila zaključak koji se odnosi na plaćanje zakupa satelita od strane Vijeća ministara BiH, te da Predstavnički dom Parlamentarne skupštine BiH na 34. sjednici nije prihvatio ovaj zaključak.
2. Komisija traži od svih nadležnih institucija da kao obavezu shvate provođenje zaključaka Predstavničkog doma Parlamentarne skupštine BiH u vezi s radom Radio-televizije BiH.
3. Komisija predlaže Kolegiju Predstavničkog doma Parlamentarne skupštine BiH da od Vijeća ministara BiH i Radio-televizije BiH zatraži da se Predstavničkom domu dostavi informacija o realizaciji zaključaka sa 32. i 41. sjednice Predstavničkog doma, usvojenih povodom rasprava o radu Radio-televizije BiH.

Ad. 3. Tekuća pitanja

Ahmed Jalovičić ukazao je na to da je Komisija na 31. sjednici, održanoj 3.3.2009., usvojila zaključak kojim od Ministarstva komunikacija i prometa BiH traži da u roku od 15 dana doradi i dopuni Izvještaj o radu Ministarstva za 2008. godinu u skladu s raspravom na sjednici Komisije, ali da to do danas nije urađeno. Pošto je u dnevni red 50. sjednice Predstavničkog doma uvršten Izvještaj o radu Vijeća ministara BiH za 2008. godinu, a u okviru te tačke je i Izvještaj o radu Ministarstva, potrebno je da se do sjednice Doma Komisija odredi prema Izvještaju.

Kojo Koprivica istakao je da će Ministarstvo do kraja ove sedmice dostaviti Komisiji dopunu Izvještaja u skladu sa zaključkom Komisije.

Predsjedavajući je predložio da se Izvještaj o radu Ministarstva komunikacija i prometa BiH za 2008. godinu razmatra na sljedećoj sjednici Komisije, koja će biti održana 31. marta 2009.

Predsjedavajući je zaključio sjednicu u 15,45 sati.

SEKRETAR KOMISIJE
Ahmed Jalovičić

PREDSJEDAVALAČI KOMISIJE
dr. Branko Dokić

